

O‘ZBEKISTON RESPUBLIKASI PREZIDENTINING
QARORI

**PEDAGOG KADRLARNI TAYYORLASH, XALQ TA’LIMI XODIMLARINI QAYTA
TAYYORLASH VA ULARNING MALAKASINI OSHIRISH TIZIMINI YANADA
TAKOMILLASHTIRISH CHORA-TADBIRLARI TO‘G‘RISIDA**



LexUZ sharhi

Mazkur qaror O‘zbekiston Respublikasi Prezidentining 2021-yil 25-yanvardagi PQ-4963-sonli “Xalq ta’limi sohasidagi ilmiy-tadqiqot faoliyatini qo‘llab quvvatlash hamda uzluksiz kasbiy rivojlantirish tizimini joriy qilish chora-tadbirlari to‘g‘risida”gi qaroriga asosan o‘z kuchini yo‘qotgan.

Bugungi kunda xalq ta’limi tizimida jami 4 916 ta maktabgacha ta’lim muassasasi, 9 680 ta umumiy o‘rta ta’lim maktabi, 211 ta barkamol avlod markazlari mavjud bo‘lib, ularda jami 400 ming nafardan ortiq pedagog xodimlar faoliyat ko‘rsatmoqda. O‘zbekiston Respublikasi Xalq ta’limi vazirligi tizimida pedagog kadrlarni tayyorlash bo‘yicha 5 ta davlat pedagogika instituti, xalq ta’limi xodimlarini qayta tayyorlash va ularning malakasini oshirish bo‘yicha 14 ta hududiy institutlar faoliyat ko‘rsatmoqda.

Amaldagi tartibga asosan, xalq ta’limi muassasalari pedagoglari kamida 5 yilda bir marotaba o‘z malakalarini oshiradilar. O‘qituvchilar malaka oshirish davomida mamlakatimizda va jahonda pedagogika, psixologiya hamda o‘quv fani bo‘yicha erishilgan eng yangi yutuqlarni chuqur o‘rganib, zamonaviy axborot va pedagogik texnologiyalarning imkoniyatlaridan xabardor bo‘lgan holda ularni amaliyotga tatbiq etib kelmoqdalar.

Shu bilan birga, xalq ta’limi xodimlarini qayta tayyorlash va ularning malakasini oshirish hududiy institutlarida faoliyat yuritayotgan pedagog xodimlarning ilmiy salohiyati, dars berish sifati bugungi kun talablariga javob bermayapti. Xodimlar ilmiy izlanishlar bilan shug‘ullanmaydi, ularning faoliyatini tashqi baholash tizimi samarali yo‘lga qo‘yilmagan.

O‘tkazilgan tahlillar pedagog kadrlarni tayyorlash, qayta tayyorlash va ularning malakasini oshirish jarayonlarida xalq ta’limi va oliy ta’lim tizimlari o‘rtasida uzluksizlik va uzviylik ta’minlanmaganligini ko‘rsatdi. Natijada, umumiy o‘rta va maktabdan tashqari ta’lim muassasalari xodimlari faoliyati davomida fanlarni o‘qitish metodikasi, ta’lim va tarbiya nazariyasi yangiliklaridan, oliy ta’lim tizimida amalga oshirilayotgan islohotlardan, ilg‘or xorijiy tajribalardan bexabar qolmoqdalar.

Pedagog kadrlarni tayyorlash, xalq ta’limi xodimlarini qayta tayyorlash va ularning malakasini oshirish tizimi samaradorligini yanada takomillashtirish, ularning kasbiy kompetentligini doimiy rivojlantirish maqsadida:

1. O‘zbekiston Respublikasi Xalq ta’limi vazirligi, Oliy va o‘rta maxsus ta’lim vazirligi, Iqtisodiyot vazirligi va Moliya vazirligining:

Nukus davlat pedagogika instituti, Navoiy davlat pedagogika instituti, Jizzax davlat pedagogika instituti, Qo‘qon davlat pedagogika instituti va Toshkent viloyati Chirchiq davlat pedagogika institutini O‘zbekiston Respublikasi Oliy va o‘rta maxsus ta’lim vazirligi tasarrufiga berish;

Qoraqalpog‘iston Respublikasi, viloyatlar va Toshkent shahar xalq ta’limi xodimlarini qayta tayyorlash va ularning malakasini oshirish institutlarini tegishli hududdagi oliy ta’lim muassasalari tasarrufiga berish hamda ular negizida Xalq ta’limi xodimlarini qayta tayyorlash va ularning malakasini oshirish hududiy markazlarini (keyingi o‘rinlarda Hududiy markazlar deb ataladi) **ilovaga** muvofiq tashkil etish;

Qori Niyoziy nomidagi O‘zbekiston pedagogika fanlari ilmiy-tadqiqot instituti va Respublika ilmiy-pedagogika kutubxonasini Nizomiy nomidagi Toshkent davlat pedagogika universiteti tasarrufiga berish to‘g‘risidagi takliflariga rozilik berilsin.

2. Hududiy markazlarning asosiy vazifalari etib quyidagilar belgilansin:

xalq ta'limi xodimlarining metodik ehtiyojlarini to'laqonli qondirish maqsadida qayta tayyorlash va malaka oshirishning ilg'or shakl va usullarini joriy etish;

xalq ta'limi xodimlarini qayta tayyorlash va ularning malakasini oshirish bo'yicha ta'lim dasturlarini takomillashtirish yuzasidan ilmiy-tadqiqot hamda o'quv-metodik ishlarni olib borish ko'nikmalarini rivojlantirish;

masofadan o'qitish usullari asosida xalq ta'limi muassasalari pedagoglari uchun tashkil etiladigan qayta tayyorlash va malaka oshirish kurslarining tegishli o'quv-metodik resurslarini ishlab chiqish, kurslardagi o'quv mashg'ulotlarini onlayn va offlayn shakllarida tashkil etishni yanada takomillashtirish;

tegishli yo'nalishlar bo'yicha fanlarning umumkasbiy va maxsus bloklari bo'yicha qayta tayyorlash va malaka oshirishni tashkil etish hamda ular bo'yicha zamonaviy metodik, axborot-ma'lumotnoma bazasini yaratish;

buyurtmachi tashkilotlar bilan hamkorlikda xalq ta'limi xodimlarini qayta tayyorlash va ularning malakasini oshirish bo'yicha ta'lim dasturlarini uzluksiz takomillashtirib borish;

o'quv-tarbiya jarayonining amaliyot bilan o'zaro samarali hamkorligini ta'minlash, xalq ta'limi xodimlarini qayta tayyorlash va ularning malakasini oshirish jarayonini sayyor mashg'ulotlar orqali zamonaviy texnika va texnologiyalar bilan jihozlangan ta'lim muassasalarida tashkil etish;

innovatsion ilmiy yutuqlarni, zamonaviy pedagogik va axborot-kommunikatsiya texnologiyalarini qo'llashni, masofadan o'qitishni, mustaqil ta'lim olishni kengaytirishni nazarda tutuvchi texnika va texnologiyalarni ta'lim tizimiga joriy etish.

3. Belgilansinki, Hududiy markazlar:

Qoraqalpog'iston Respublikasi, viloyatlar va Toshkent shahar xalq ta'limi xodimlarini qayta tayyorlash va ularning malakasini oshirish institutlarining huquqlari va majburiyatlari bo'yicha huquqiy vorisi hisoblanadi;

yuridik shaxs maqomiga ega davlat ta'lim muassasasi bo'lib, o'z mustaqil balansiga, O'zbekiston Respublikasi Moliya vazirligining G'aznachiligida shaxsiy g'azna hisobvaraqlariga hamda O'zbekiston Respublikasining Davlat gerbi tasviri tushirilgan va o'z nomi davlat tilida yoziladigan muhriga ega bo'ladi;

ilmiy-metodik ta'minoti oliy ta'lim muassasalarining tegishli kafedralari tomonidan amalga oshiriladi;

o'quv mashg'ulotlarini olib borishga yuqori malakali mutaxassislar hamda o'rindoshlik yoki soatbay haq to'lash asosida oliy ta'lim muassasalarining professor-o'qituvchilarini jalb etiladi;

xodimlariga oliy ta'lim muassasalarining tegishli lavozimlari uchun belgilangan mehnatga haq to'lash miqdorlari va shartlari tatbiq etiladi. Bunda, bir nafar o'qituvchi hisobiga to'g'ri keladigan tinglovchilar nisbatining cheklangan normativlari oliy ta'lim muassasalari uchun belgilangan bir nafar o'qituvchi hisobiga talabalar soni nisbatining cheklangan normativlaridan 25 foiz past etib belgilanadi.

4. O'zbekiston Respublikasi Oliy va o'rta maxsus ta'lim vazirining birinchi o'rinbosari D. Nabyev:

bir oy muddatda joylarga chiqqan holda mazkur qarorga asosan tashkil etilayotgan Hududiy markazlar joylashishi, faoliyatini sifatli ta'minlanishi sharoitlarini tahlil qilsin;

ikki oy muddatda Hududiy markazlarni malakali professor-o'qituvchilar bilan ta'minlash yuzasidan zaruriy choralarni ko'rsin;

har uch oyda amalga oshirilgan ishlar to'g'risida shaxsan O'zbekiston Respublikasi Prezidentiga hisobot berib borsin.

5. Nizomiy nomidagi Toshkent davlat pedagogika universiteti Hududiy markazlar uchun tayanch oliy ta'lim muassasasi hisoblansin va quyidagilar uning asosiy vazifalari etib belgilansin:

xalq ta'limi tizimi xodimlarining kasbiy bilimlari va malakalarini oshirish ishlariga ilmiy-metodik jihatdan rahbarlik qilish;

ta'lim dasturlarining uzluksizligi va izchilligini hisobga olib, ijodiy tafakkurni rivojlantirishga yo'naltirilgan o'qitishning interaktiv usullaridan foydalangan holda xalq ta'limi

xodimlarini qayta tayyorlash va ularning malakasini oshirish bo'yicha namunaviy o'quv reja, dastur, o'quv-metodik va boshqa hujjatlarni ishlab chiqish;

qayta tayyorlash va malaka oshirishning samarali shakllarini joriy etishning ilmiy-metodik va tashkiliy-metodik asoslarini ishlab chiqish;

ta'limning ilg'or shakl va usullari, zamonaviy ta'lim va axborot-kommunikatsiya texnologiyalarini qayta tayyorlash va malaka oshirish jarayoniga joriy etish asosida rahbar, pedagog va boshqa mutaxassis kadrlarning kasbiy bilim, ko'nikma va malakalarini oshirish choralari ko'rish;

pedagog kadrlarni qayta tayyorlash va ularning malakasini oshirish sohasidagi xorijiy tajribalarni, shuningdek eng yaxshi ta'lim muassasalarining yutuqlarini ommalashtirish asosida ilmiy asoslangan innovatsiyalarni joriy etish.

6. Tasarrufida Hududiy markazlar tashkil etilgan oliy ta'lim muassasalari rektorlari:

bir oy muddatda Oliy va o'rta maxsus ta'lim vazirligi bilan kelishilgan holda Hududiy markaz faoliyatini rivojlantirish konsepsiyasini tasdiqlash uchun Vazirlar Mahkamasiga kiritilsin;

ikki oy muddatda Hududiy markazlarda xalq ta'limi xodimlarini qayta tayyorlash va malaka oshirishning ilg'or shakl va usullarini joriy etish, ta'lim dasturlarini takomillashtirish, tegishli yo'nalishlar bo'yicha fanlarning umumkasbiy va maxsus bloklari bo'yicha qayta tayyorlash, jumladan, yetakchi xorijiy universitetlar bilan hamkorlikni o'rnatib, onlayn rejimda malaka oshirish tizimini tashkil etsin;

xalq ta'limi muassasalari pedagoglari uchun tashkil etiladigan qayta tayyorlash va malaka oshirish kurslarining tegishli o'quv-metodik resurslarini ishlab chiqish, kurslardagi o'quv mashg'ulotlarini sifatli tashkil etishga shaxsan mas'ul etib belgilab qo'yilsin.

7. O'zbekiston Respublikasi Vazirlar Mahkamasini ikki oy muddatda mazkur qaror ijrosini ta'minlash bo'yicha qaror qabul qilsin va unda quyidagilar nazarda tutilsin:

Hududiy markazlar faoliyatini tashkil etish va ularning namunaviy tashkiliy tuzilmasini tasdiqlash;

Hududiy markazlar namunaviy tashkiliy tuzilmasini hamda xalq ta'limi xodimlarini qayta tayyorlash va ularning malakasini oshirish bo'yicha ta'lim dasturlarini ishlab chiqishda, o'quv-uslubiy jarayonini tashkil etishda ta'lim turlari o'rtasida uzluksizlik va uzviylikni ta'minlash;

Har bir Hududiy markaz faoliyatini rivojlantirish konsepsiyalarini tasdiqlash.

8. Hududiy markazlarda xalq ta'limi xodimlarini qayta tayyorlash va ularning malakasini oshirish ishlarini tahlil qilish yuzasidan, O'zbekiston Respublikasi Prezidentining Davlat maslahatchisi A. Yunusxodjayeov boshchiligidagi maxsus komissiya tashkil etilsin.

9. O'zbekiston Respublikasi Oliy va o'rta maxsus ta'lim, Xalq ta'limi vazirlariga har ikki oyda Hududiy markazlarda malaka oshirgan va qayta tayyorlangan xalq ta'limi xodimlarini joylardagi faoliyati samaradorligi to'g'risidagi hisobotini hamda Hududiy markazlar faoliyatini takomillashtirish choralari bo'yicha takliflarini maxsus komissiyaga kiritib borish vazifasi yuklatilsin.

10. O'zbekiston Respublikasi Oliy va o'rta maxsus ta'lim vazirligining:

Pedagog kadrlar malakasini oshirishni nazorat qilish bo'limi negizida, Xalq ta'limi vazirligining Pedagog kadrlarni tayyorlash, qayta tayyorlash va malakasini oshirish hamda ilmiy-tadqiqot faoliyatini muvofiqlashtirish bo'limini tugatish hisobiga qisqaradigan 2 ta shtat birligini o'tkazishni inobatga olgan holda, 5 ta shtat birligidan iborat Pedagog kadrlarni qayta tayyorlash, malakasini oshirishni tashkil etish va nazorat qilish boshqarmasi tashkil etilsin;

Moliyalashtirish va buxgalteriya hisobi boshqarmasiga qo'shimcha 1 ta shtat birligi ajratilsin.

11. O'zbekiston Respublikasi Moliya vazirligi Hududiy markazlarni saqlash xarajatlarini O'zbekiston Respublikasining respublika budjeti mablag'lari hisobidan amalga oshirilishini nazarda tutgan holda O'zbekiston Respublikasi Davlat budjetining 2017-yilgi parametrlariga tegishli o'zgartirishlar kiritilsin.

12. O'zbekiston Respublikasi Oliy va o'rta maxsus ta'lim vazirligi, Xalq ta'limi vazirligi boshqa manfaatdor vazirliklar va idoralar bilan birgalikda bir oy muddatda:

qonun hujjatlariga ushbu qarordan kelib chiqadigan o'zgartirish va qo'shimchalar to'g'risida O'zbekiston Respublikasi Vazirlar Mahkamasiga takliflar kiritsinlar;

o'zlari qabul qilgan normativ-huquqiy hujjatlarni ushbu qarorga muvofiqlashtirsinlar.

13. Mazkur qarorning ijrosini nazorat qilish O'zbekiston Respublikasining Bosh vaziri A.N. Aripov va O'zbekiston Respublikasi Prezidentining Davlat maslahatchisi A.N. Yunusxodjayev zimmasiga yuklansin.

O'zbekiston Respublikasi Prezidenti Sh. MIRZIYOYEV

Toshkent sh.,
2017-yil 26-sentabr,
PQ-3289-son

O'zbekiston Respublikasi Prezidentining 2017-yil 26-sentabrdagi PQ-3289-son qaroriga
ILOVA

Qoraqalpog'iston Respublikasi, viloyatlar va Toshkent shahar xalq ta'limi xodimlarini qayta tayyorlash va ularning malakasini oshirish institutlarini tegishli hududdagi oliy ta'lim muassasalari tasarrufiga berish hamda ular negizida tashkil etiladigan Xalq ta'limi xodimlarini qayta tayyorlash va ularning malakasini oshirish hududiy markazlari

RO'YXATI

№	Qoraqalpog'iston Respublikasi, viloyatlar va Toshkent shahar xalq ta'limi xodimlarini qayta tayyorlash va ularning malakasini oshirish institutlari	Tasarrufiga Hududiy markazlar berilgan oliy ta'lim muassasalari	Tashkil etiladigan Hududiy markazlar va ular faoliyatini tashkil etish uchun shaxsan mas'ul bo'lgan rahbarlar F.I.Sh.
1.	Qoraqalpog'iston Respublikasi xalq ta'limi xodimlarini qayta tayyorlash va ularning malakasini oshirish instituti	Nukus davlat pedagogika instituti	Nukus davlat pedagogika instituti huzuridagi xalq ta'limi xodimlarini qayta tayyorlash va ularning malakasini oshirish hududiy markazi Mas'ullar: O'zbekiston Respublikasi Oliy va o'rta maxsus ta'lim vazirining birinchi o'rinbosari D.X. Nabiyev Nukus davlat pedagogika instituti rektori Q.K. Orazimbetov
2.	Andijon viloyati xalq ta'limi xodimlarini qayta tayyorlash va ularning malakasini oshirish instituti	Andijon davlat universiteti	Andijon davlat universiteti huzuridagi xalq ta'limi xodimlarini qayta tayyorlash va ularning malakasini oshirish hududiy markazi Mas'ullar: O'zbekiston Respublikasi Oliy va o'rta maxsus ta'lim vazirining birinchi o'rinbosari D.X. Nabiyev Andijon davlat universiteti rektori A.S. Yuldashev

3.	Farg‘ona viloyati xalq ta‘limi xodimlarini qayta tayyorlash va ularning malakasini oshirish instituti	Farg‘ona davlat universiteti	Farg‘ona davlat universiteti huzuridagi xalq ta‘limi xodimlarini qayta tayyorlash va ularning malakasini oshirish hududiy markazi Mas‘ullar: O‘zbekiston Respublikasi Oliy va o‘rta maxsus ta‘lim vazirining birinchi o‘rinbosari D.X. Nabiyev Farg‘ona davlat universiteti rektori A.X. Xaitboyev
4.	Namangan viloyati xalq ta‘limi xodimlarini qayta tayyorlash va ularning malakasini oshirish instituti	Namangan davlat universiteti	Namangan davlat universiteti huzuridagi xalq ta‘limi xodimlarini qayta tayyorlash va ularning malakasini oshirish hududiy markazi Mas‘ullar: O‘zbekiston Respublikasi Oliy va o‘rta maxsus ta‘lim vazirining birinchi o‘rinbosari D.X. Nabiyev Namangan davlat universiteti rektori A.V. Umarov
5.	Navoiy viloyati xalq ta‘limi xodimlarini qayta tayyorlash va ularning malakasini oshirish instituti	Navoiy davlat pedagogika instituti	Navoiy davlat pedagogika instituti huzuridagi xalq ta‘limi xodimlarini qayta tayyorlash va ularning malakasini oshirish hududiy markazi Mas‘ullar: O‘zbekiston Respublikasi Oliy va o‘rta maxsus ta‘lim vazirining birinchi o‘rinbosari D.X. Nabiyev Navoiy davlat pedagogika instituti rektori B.X. Daniyarov
6.	Buxoro viloyati xalq ta‘limi xodimlarini qayta tayyorlash va ularning malakasini oshirish instituti	Buxoro davlat universiteti	Buxoro davlat universiteti huzuridagi xalq ta‘limi xodimlarini qayta tayyorlash va ularning malakasini oshirish hududiy markazi Mas‘ullar: O‘zbekiston Respublikasi Oliy va o‘rta maxsus ta‘lim vazirining birinchi o‘rinbosari D.X. Nabiyev Buxoro davlat universiteti rektori A.A. Tulaganov
7.	Samarqand viloyati xalq ta‘limi xodimlarini qayta tayyorlash va ularning malakasini oshirish instituti	Samarqand davlat universiteti	Samarqand davlat universiteti huzuridagi xalq ta‘limi xodimlarini qayta tayyorlash va ularning

			malakasini oshirish hududiy markazi Mas'ullar: O'zbekiston Respublikasi Oliy va o'rta maxsus ta'lim vazirining birinchi o'rinbosari D.X. Nabiye Samarqand davlat universiteti rektori R.I. Xalmuradov
8.	Jizzax viloyati xalq ta'limi xodimlarini qayta tayyorlash va ularning malakasini oshirish instituti	Jizzax davlat pedagogika instituti	Jizzax davlat pedagogika instituti huzuridagi xalq ta'limi xodimlarini qayta tayyorlash va ularning malakasini oshirish hududiy markazi Mas'ullar: O'zbekiston Respublikasi Oliy va o'rta maxsus ta'lim vazirining birinchi o'rinbosari D.X. Nabiye Jizzax davlat pedagogika instituti rektori A.J. Xolbekov
9.	Sirdaryo viloyati xalq ta'limi xodimlarini qayta tayyorlash va ularning malakasini oshirish instituti	Guliston davlat universiteti	Guliston davlat universiteti huzuridagi xalq ta'limi xodimlarini qayta tayyorlash va ularning malakasini oshirish hududiy markazi Mas'ullar: O'zbekiston Respublikasi Oliy va o'rta maxsus ta'lim vazirining birinchi o'rinbosari D.X. Nabiye Guliston davlat universiteti rektori B.S. Zakirov
10.	Xorazm viloyati xalq ta'limi xodimlarini qayta tayyorlash va ularning malakasini oshirish instituti	Urganch davlat universiteti	Urganch davlat universiteti huzuridagi xalq ta'limi xodimlarini qayta tayyorlash va ularning malakasini oshirish hududiy markazi Mas'ullar: O'zbekiston Respublikasi Oliy va o'rta maxsus ta'lim vazirining birinchi o'rinbosari D.X. Nabiye Urganch davlat universiteti rektori B.I. Abdullayev
11.	Qashqadaryo viloyati xalq ta'limi xodimlarini qayta tayyorlash va ularning malakasini oshirish instituti	Qarshi davlat universiteti	Qarshi davlat universiteti huzuridagi xalq ta'limi xodimlarini qayta tayyorlash va ularning malakasini oshirish hududiy markazi Mas'ullar:

			O‘zbekiston Respublikasi Oliy va o‘rta maxsus ta‘lim vazirining birinchi o‘rinbosari D.X. Nabiyev Qarshi davlat universiteti rektori B.A. Shoimkulov
12.	Surxondaryo viloyati xalq ta‘limi xodimlarini qayta tayyorlash va ularning malakasini oshirish instituti	Termiz davlat universiteti	Termiz davlat universiteti huzuridagi xalq ta‘limi xodimlarini qayta tayyorlash va ularning malakasini oshirish hududiy markazi Mas’ullar: O‘zbekiston Respublikasi Oliy va o‘rta maxsus ta‘lim vazirining birinchi o‘rinbosari D.X. Nabiyev Termiz davlat universiteti rektori A.X. Toshkulov
13.	Toshkent viloyati xalq ta‘limi xodimlarini qayta tayyorlash va ularning malakasini oshirish instituti	Toshkent viloyati Chirchiq davlat pedagogika instituti	Toshkent viloyati Chirchiq davlat pedagogika instituti huzuridagi xalq ta‘limi xodimlarini qayta tayyorlash va ularning malakasini oshirish hududiy markazi Mas’ullar: O‘zbekiston Respublikasi Oliy va o‘rta maxsus ta‘lim vazirining birinchi o‘rinbosari D.X. Nabiyev Toshkent viloyati Chirchiq davlat pedagogika instituti rektori G.I. Muxamedov
14.	Toshkent shahar xalq ta‘limi xodimlarini qayta tayyorlash va ularning malakasini oshirish instituti	Nizomiy nomidagi Toshkent davlat pedagogika universiteti	Nizomiy nomidagi Toshkent davlat pedagogika universiteti huzuridagi xalq ta‘limi xodimlarini qayta tayyorlash va ularning malakasini oshirish hududiy markazi Mas’ullar: O‘zbekiston Respublikasi Oliy va o‘rta maxsus ta‘lim vazirining birinchi o‘rinbosari D.X. Nabiyev Nizomiy nomidagi Toshkent davlat pedagogika universiteti rektori Sh.S. Sharipov

(Qonun hujjatlari ma’lumotlari milliy bazasi, 2017-y.)